



REPUBLIKA E SHQIPËRISË

BASHKIA SHKODËR

KRYETAR

Nr. 12195 Prot

Shkodër, më 17.6.2025

**Lënda:** Dërgohet për shqyrtim projekt-vendimi dhe relacioni.

### KËSHILLIT BASHKIAK SHKODËR

Të nderuar Këshilltarë,

Bashkëngjitur Ju dërgojmë për shqyrtim projekt-vendimin dhe relacionin:

“PËR MIRATIMIN E KRITEREVE DHE PËR CAKTIMIN E RRUGËVE DHE SHESHEVE PUBLIKE PËR ADMINISTRIMIN E SHËRBIMIT TË PARKIMIT ME PAGESË, NË VELIPOJË DHE SHIROKË, TË BASHKISË SHKODËR”.

Duke ju uruar punë të mbarë!

Me respekt,

KRYETAR

Benet BECI



Drejtorja Juridike



REPUBLIKA E SHQIPËRISË  
BASHKIA SHKODËR

Nr. \_\_\_\_\_ prot.

Shkodër, më \_\_\_\_ .06. 2025

**PROJEKT - VENDIM**

Nr \_\_\_\_\_, datë \_\_\_\_ .06.2025

**“PËR**

**MIRATIMIN E KRITEREVE DHE PËR CAKTIMIN E RRUGËVE DHE SHESHEVE  
PUBLIKE PËR ADMINISTRIMIN E SHËRBIMIT TË PARKIMIT ME PAGESË, NË  
VELIPOJË DHE SHIROKË, TË BASHKISË SHKODËR”.**

Këshilli Bashkiak Shkodër në mbledhjen e tij të datës \_\_\_\_ / \_\_\_\_ /2025, me propozim të Kryetarit të Bashkisë, mbështetur në ligjin nr.139/2015“Për vetëqeverisjen vendore” i ndryshuar neni 23, pika 14, neni 54/germa k; ligjin nr.8378, date 22.07.1998“Kodi Rrugor i Republikës së Shqipërisë”, i ndryshuar, neni 3 pika 28, neni 7 e vijues; ligjin nr.68/2017 “Për financat e vetëqeverisjes vendore”, i ndryshuar neni 14, neni 15; ligjin nr.9632, datë 30.10.2006 “Për sistemin e taksave vendore”,i ndryshuar; Vendimin e Këshillit të Ministrave nr.153, datë 07.04.2000“Për miratimin e rregullores së zbatimit të Kodit Rrugor të Republikës së Shqipërisë”, të ndryshuar; Paketa Fiskale e Bashkisë Shkodër, si dhe pas shqyrtimit të relacionit të përgatitur nga grupi i punës ngritur me Urdhërin nr.998, datë 08.07.2024 “Për ngritjen e grupit të punës me qëllim studimin dhe caktimin e vendparkimeve të automjeteve që do të bëhen me pagesë në rrugët/sheshet publike dhe tarifën që caktohet për to, në territorin e Bashkisë Shkodër”;

**VENDOSI:**

1. Miratimin e kriterëve dhe përcaktimin e rrugëve dhe shesheve publike për administrimin e shërbimit të parkimit me pagesë, në NJA Velipojë dhe Lagjen Shirokë, të bashkisë Shkodër, sipas listës dhe planvendosjes pjesë integrale e vendimit.
2. Shërbimi i parkimit me pagesë në rrugë është shërbimi i ofruar për rregullimin e parkimit të automjeteve në Shirokë dhe në zonën e plazhit të Velipojës, ku qëndrimi i automjeteve kushtëzohet nga pagesa e një tarife, që varet nga kohëzgjatja e qëndrimit në parkim.
3. Miratimin e rrugëve dhe shesheve publike të Bashkisë Shkodër si dhe fashat orare ku do të realizohet shërbimi i parkimit me pagesë.
4. Identifikimii zonave të parkimit me pagesë në rrugët dhe sheshet publike, do të bëhet nëpërmjet vijëzimit mengjyrë BLU dhe/ose tabelave vertikale sinjalizuese për vendet e destinuara përshërbimin e parkimit me pagesë.

5. Administrimi i shërbimit të parkimit me pagesë të kryhet drejtpërdrejt nga struktura përkatëse e Bashkisë Shkodër, e cila caktohet me urdhër të veçantë të Kryetarit të Bashkisë.
6. Përfshihen nga pagesa vendparkimet e personave me aftësi ndryshe, vendparkimet e ambulancës, si dhe zjarrfikëseve.
7. Miratimin e Aneksit nr.1, për rrugët dhe sheshet publike në të cilat do të ofrohet Shërbimi i parkimit me pagesë.
8. Miratimin e Aneksit nr.2, për kohën e funksionimit të parkingut me pagesë dhe tarifës përkatëse.
9. Për ndjekjen e zbatimit të këtij vendimi ngarkohet Kryetari i Bashkisë.
10. Ky vendim hyn në fuqi 10 ditë pas shpalljes së tij.

**ZV. KRYETAR**

**Alban PREKA**

**Drejtoria e Përgjithshme Juridike Burimeve  
Njerëzore dhe Shërbimeve Mbështetëse**

**Denis LESHJA**

**Drejtoria e Planifikimit dhe Zhvillimit  
të Territorit**

**Lulzim MASHI**

**Drejtoria Juridike**

**Brikena LEQEJZA**

**KRYETAR**

**Benet BECI**



**Drejtoria e Përgjithshme e Menaxhimit  
Financiar**

**Teuta HAXHI**

**Drejtoria e Taksave dhe Tarifave Vendore**

**Halit BILALI**



REPUBLIKA E SHQIPËRISË

**BASHKIA SHKODËR**

Nr. \_\_\_\_\_ Prot

Shkodër, më \_\_\_\_\_.06.2025

**RELACION**

**“PËR**

**MIRATIMIN E KRITEREVE DHE PËRCAKTIMIN E RRUGËVE DHE  
SHESHEVE PUBLIKE PËR ADMINISTRIMIN E SHËRBIMIT TË PARKIMIT  
ME PAGESË, NË VELIPOJË DHE SHIROKË, BASHKIA SHKODËR”.**

**Drejtuar: Këshillit Bashkiak, Shkodër**

***Të nderuar këshilltarë!***

Bashkia Shkodër në kuadër të ushtrimit të veprimtarisë dhe funksioneve të saj, ka marrë nën vlerësim të caktuar zonën e administrimit të parkimit dhe tarifave të shërbimit të parkimit me pagesë në rrugë dhe sheshe, në territorin e Bashkisë Shkodër, brenda juridiksionit të saj, në pajtim me ligjin.

**Baza ligjore:**

Në zbatim të ligjit nr.139/2015, datë 17.12.2015, “Për Vetëqeverisjen Vendore”, i ndryshuar, neni 23, pika 14, neni 54, germa k; Ligjit nr. 8378, datë 22.07.1998, “Kodi Rrugor i Republikës së Shqipërisë”, i ndryshuar, neni 3, pika 28, neni 7 e vijues; Ligjit nr. 68/2017, “Për financat e vetëqeverisjes vendore”, i ndryshuar, neni 14 dhe 15; Ligjit nr. 9632, datë 30.10.2006, “Për sistemin e taksave vendore”, i ndryshuar; Ligjit nr. 89, datë 22.12.2022, “Për Policinë Bashkiakë”; Vendimit të Këshillit të Ministrave nr. 153, datë 07.04.2000, “Për miratimin e rregullores së zbatimit të Kodit Rrugor të Republikës së Shqipërisë”, të ndryshuar; si dhe Paketa Fiskale Vjetore e Bashkisë Shkodër.

Si një nga prioritetet tona kryesore, Bashkia Shkodër po i kushton një vëmendje të vecantë transportit dhe lëvizjes së qytetarëve në përputhje me nevojat e komunitetit, qytetit dhe zonave turistike. Ne kemi filluar të punojmë me disa spekte të transportit, aktualisht ka përfunduar Plani i Lëvizshmërisë së Qëndrueshme Urbane (SUMP) e financuar nga Banka Evropiane e Investimeve, ERE ITA, Fondi Shqiptar i Zhvillimit dhe Bashkia Shkodër, që parashikohet të zbatohet tërësisht gjatë një periudhe 10 -vjecare (disa masa do të zbatohen më parë e disa më vonë, sipas prioriteteve) dhe lëvizjes bazuar në studimin e koncepteve dhe modeleve të lëvizjes të kryera për problematikat e transportit. Një nga ceshtjet më domethënëse është menaxhimi dhe organizimi i parkimit në qendrën e Shirokës dhe plazhin e Velipojës.

Parkimi në rrugë është një komponent thelbësor dhe jetik, i cili ndikon drejtpërdrejt në përmirësimin e jetës së banorëve, si dhe përmirësimin e lehtësimin e lëvizjes dhe orientimin e vizitorëve, turistëve, etj.

Parkimi megjithatë është një problem i ndërlikuar që ndikon drejtpërdrejt në zhvillimin , lëvizshmërinë, aksesin, transportin urban dhe rajonal, cilësinë e mjedisit dhe përdorimin e hapësirës urbane. Strategjitë e politikave të parkimit që lidhen me Masterplanin e Shkodrës, mund të inkurajojnë qytetarët që të lëvizin sa më pak me automjete personale, duke përmirësuar gjendjen e trafikut në rrugë dhe uljen e ndotjes së mjedisit.

Për të arritur një ekuilibër midis ofertës dhe kërkesës për parkim, është vendosur të aplikohet parkimi i kontrolluar në Shirokë dhe plazhin e Velipojës dhe parkimi i kontrolluar mund të reduktojë trafikun. Të gjithë jemi të ndërgjegjshëm se hapësirat e parkimit në rrugë shfrytëzohen maksimalisht, kur kërkesat janë më të mëdha se numri i vendeve të disponueshme.

❖ **Sheshet e destinuara për parkim publik me pagesë, prpozojmë të jenë si më poshtë:**

1. Vendparkimi aktual nr. 1, në hyrje të qendrës së Shirokës.
2. Vendparkimi nr. 2, në dalje nga qendra e Shirokës (përftuar nga prishja e ndërtimeve të kundraligjshme)
3. Vendparkimi aktual nr. 1, në qendër të Velipojës.
4. Vendparkimi aktual nr. 2, në rrugën “Pashko Selita”, përballë zyrave të Policisë Bashkiake, Velipojë.

❖ **Ditët dhe oraret e qëndrimit dhe tarifatat e shërbimit të parkimit në rrugë e sheshe, me pagesë.**

Përsa më sipër grupi I punës propozon:

- a) Parkim i rezervuar për automjetet e personave me aftësi ndryshe pa pagesë, në numër vendesh në % sipas parashikimeve ligjore.
- b) Parkimin me pagesë në rrugët dhe sheshet e shënuara më lart.
- c) Tarifatat e parkimit me pagesë në rrugë/sheshe do të jenë 50 (pesëdhjetë) lekë/orë, për autoveturat sipas VKB nr. 1, datë 22.01.2016 dhe 300 lekë/orë për autobuzët, vetëm në vendarkimin nr. 2 të Shirokës, pas ndryshimit të paketës fiskale.
- d) Parkimi me pagesë në zonat e propozuara si të tilla do të shtrijnë kohëzgjatjen si:

1. Prej orës 10:00 deri në orën 22:00, në vendparkimet e Shirokës, gjatë gjithë vitit, nga dita e Hënë në të Dielë.
2. Prej orës 00:00 deri në orën 00:59 (24/7) gjatë sezonit veror nga data 1 Qershor deri në 31 Gusht, në vendparkimet e plazhit të Velipojës nga e Hëna në të Dielë.
3. Në këto zona do të vendosen tabela në gjuhën shqipe dhe në anglisht, ku njoftohen qytetarët dhe turistët, për oraret përkatëse dhe tarifat që do të zbatohen.
4. Në të gjitha zonat, pas orareve dhe periudhës të përcaktuara më sipër, është parkim i lirë pa pagesë.
5. Përfshihen nga këto tarifa vendparkimet përm personat me aftësi ndryshe, pasi sipas ligjeve të vecanta të aftësisë së kufizuar përfshihen nga cdo lloj detyrimi, si dhe vendparkimet e ambulancës dhe zjarrfikës.


❖ **Zonat e Administrimit të parkimit me pagesë në Shirokë dhe plazhin e Velipojës.**

Harta nr. 1. Vendparkimet publike të vijëzuara me ngjyrë të kuqe, në plazhin e Velipojës, që do të bëhen me pagesë.





Parkimi aktual nr. 1:



Parkimi aktual nr.2:



Harta nr. 2. Vendparkimi aktual nr. 1 në hyrje të Shirokës dhe parkimi publik nr. 2, në dalje nga Shiroka, që do të bëhen me pagesë.





Për sa më sipër, në mbështetje të nenit 54 germa “k”, të ligjit nr.139/2015, “Për vetëqeverisjen Vendore”, i ndryshur; i propozojmë Këshillit të Bashkisë Shkodër, miratimin e projekt-vendimit, “Për miratimin e kriterëve dhe përcaktimin e rrugëve dhe shesheve publike për administrimin e shërbimit të parkimit me pagesë, në Shirokë dhe plazhin e Velipojës, në Bashkinë Shkodër”.

**KRYETAR  
BENET BECI**



**Grupi i punës:**

z. Alban PREKA - Kryetar

z. Lulzim MASHI - Anëtar

z. Denis LESHJA - Anëtar

z. Elvin BRAHIMI - Anëtar

z. Elton MYRTAJ - Anëtar

z. Andi SHKRELI - Anëtar

z. Pjerin LAZRI - Anëtar

## ANEKSI NR. 1

### Rrugët dhe sheshet publike në të cilat do të ofrohet shërbimi i parkimit me pagesë

| <u>Rrugët dhe sheshet</u>                                   | <u>Specifikimi i rrugëve në terren</u>                           |
|-------------------------------------------------------------|------------------------------------------------------------------|
| 1. Vendparkimi aktual nr.1, në hyrje të Shirokës.           | Vendparkimet aktuale deri te ndërtesa e OMP-së.                  |
| 2. Vendparkimi nr.2, në dalje nga qendra e Shirokës.        | Parkingu i përfutur nga prishja e objekteve të ndertuar pa leje. |
| 3. Vend parkimi aktual publik nr.1, në qendër të Velipojës. | Vendparkimi djathtas rrugës ” Ura e Gjon Lulit (plazh)”          |
| 4. Vend parkimi aktual publik nr.2, rrugën “Pashko Selita”. | Vendparkimi përballë zyrave të Policisë Bashkiake, në Velipojë.  |

## **HARTA E RRUGËVE ME PAGESË NË SHIROKË DHE VELIPOJË**

### **HARTA E SHESHEVE ME PAGESË NË SHIROKË**


**Vendparkimi aktual në qendër deri te OMP**



**Vendparkimi të sheshi i përftuar nga prishja e ndërtimeve pa leje.**



## HARTA E SHESHEVE ME PAGESË NË VELIPOJË









## ANEKSI NR. 2

**Koha e funksionimit të parkingut me pagesë do të jetë 50 (pesëdhjetë) lekë/orë për autoveturat në zonat e vendparkimeve dhe 300 (treqind) lekë/orë për autobuzët vetëm në zonën vendparkimit me pagesë të Shirokës, sipas tabelës me poshtë:**

| <b>Zona e vendparkimeve me pagesë</b>                          | <b>Orari i funksionimit</b> | <b>Periudha e shfytëzimit</b>        |
|----------------------------------------------------------------|-----------------------------|--------------------------------------|
| 1. Vendparkimi aktual publik në hyrje të Shirokës.             | 10:00 – 22:00               | Vjetore<br>(E Hënë- E Dielë)         |
| 2. Vendparkimi në dalje nga qendra e Shirokës.                 | 10:00 – 22:00               | Vjetore<br>(E Hënë - E Dielë)        |
| 3. Vend parkimi aktual publik nr.1, në qendër të Velipojës.    | 00:00 – 23:59<br>24/7       | 01.06 – 31.08<br>(E Hënë - E Dielë)  |
| 4. Vend parkimi aktual publik nr.2, në rrugën “Pashko Selita”. | 00:00 –23:59<br>24/7        | 01.06 - 31.08.<br>(E Hënë - E Dielë) |

### Shënime:

- Tarifa prej 50 (pesëdhjetë) lekë/orë për autoveturat është miratuar sipas VKB nr.1 dt.22.01.2016 “Për taksat dhe tarifat vendore në bashkinë Shkodër” të ndryshuar, kreu III “Tarifa vendore”, pika 4.4.2.
- Tarifa prej 300 (treqind) lekë/orë për autobuzët vetëm në vendparkimet e Shirokës do të zbatohet me ndryshimin e paketës fiskale.